


Adrodd i'r	Pwyllgor Archwilio	
Dyddiad	18 Rhagfyr 2023	
Swyddog Arweiniol	Helen MacArthur – Prif Swyddog Tân Cynorthwyol	
Swyddog Cyswllt	Helen Howard	
Pwnc	Adroddiad Rheoli Trysorlys Ch2 2023/24	

PWRPAS YR ADRODDIAD

- 1 Pwrpas yr adroddiad hwn yw rhoi'r wybodaeth ddiweddaraf i Aelodau Awdurdod Tân ac Achub Gogledd Cymru (yr Awdurdod) ar weithgarwch rheoli trysorlys a chydymffurfiaeth â dangosyddion darbodus rheoli trysorlys ar gyfer y cyfnod 1 Ebrill 2023 – 30 Medi 2023.

CRYNODEB GWEITHREDOL

- 2 Ym mis Rhagfyr 2003, mabwysiadodd yr Awdurdod *Rheolaeth Trysorlys yn y Gwasanaethau Cyhoeddus: Cod Ymarfer (2021)* (Cod CIPFA) y Sefydliad Siartredig Cyllid Cyhoeddus a Chyfrifyddiaeth sy'n ei gwneud yn ofynnol i'r Awdurdod gymeradwyo, o leiaf, adroddiadau alldro blynyddol a lled-flynyddol ar reoli'r trysorlys.
- 3 Roedd Cod CIPFA hefyd yn cynnwys gofyniad newydd i adrodd yn chwarterol ar ddangosyddion rheoli trysorlys o fis Ebrill 2023. Mae'r dangosyddion darbodus nad ydynt yn rhai trysorlys wedi'u hymgorffori yn adroddiad monitro refeniw a chyfalaf arferol yr Awdurdod.
- 4 Cymeradwywyd strategaeth rheoli trysorlys yr Awdurdod ar gyfer 2023/24 mewn cyfarfod ar 20 Mawrth 2023. Gan fod yr Awdurdod yn benthyca ac yn buddsoddi symiau sylweddol o arian, mae risgiau ariannol y mae angen eu hystyried gan gynnwys colli arian a fuddsoddwyd ac effaith refeniw ar newidiadau cyfraddau llog. Mae nodi, monitro a rheoli risg yn llwyddiannus yn parhau i fod yn ganolog i strategaeth rheoli trysorlys yr Awdurdod.

ARGYMHELLION

- 5 Argymhellir bod yr Aelodau'n:
 - i. nodi'r gweithgareddau rheolaeth trysorlys a'r dangosyddion darbodus am y cyfnod 1 Ebrill – 30 Medi 2023.

CYD-DESTUN ALLANOL

- 6 Parhaodd chwyddiant i ostwng o'i frig wrth i'r prif Fynegai Prisiau Defnyddwyr (CPI) blynyddol ostwng i 6.7% ym mis Gorffennaf 2023 o 6.8% yn y mis blaenorol yn groes i'r disgwyliadau y byddai'n cynyddu eto i 7.0%. Prisiau bwyd oedd y prif ffactor negyddol yn effeithio ar y ffigur hwn. Gostyngodd y gyfradd graidd hefyd o 6.9% i 6.2% yn groes i'r disgwyl, o gymharu â'r rhagolygon y byddai ond yn disgyn ychydig i 6.8%.

- 7 Parhaodd Pwyllgor Polisi Ariannol Banc Lloegr i dynhau polisi ariannol dros y rhan fwyaf o'r cyfnod, gan fynd â'r Gyfradd Banc i 5.25% ym mis Awst. Yn groes i ddisgwyliadau y byddai cynnydd pellach ym mis Medi, pleidleisiodd y Pwyllgor 5-4 i gadw'r Gyfradd Banc yn 5.25%. Roedd pob un o'r pedwar a bleidleisiodd yn erbyn o blaid cynnydd arall o 0.25%.
- 8 Fe wnaeth y disgwyliadau o ran cyfraddau llog ddwyn i ystyriaeth godiadau pellach mewn cyfraddau polisi. Diwygiodd Arlingclose, cynghorydd trysorlys yr awdurdod, ei ragolwg i ragweld tynhau ariannol pellach o 0.5% i fynd â'r Gyfradd Banc i 5.5%. Y risgiau, fodd bynnag, yw y gallai cyfraddau fod yn uwch; mae marchnadoedd ariannol yn rhagweld cyfraddau llog polisi yn uwch na 6%.
- 9 Disgwylir y bydd anwadalrwydd y farchnad yn parhau i fod yn nodwedd, yn y tymor byr o leiaf, ac fel erioed, bydd y sefydliadau a'r cyfnodau sydd ar restr yr Awdurdod o bartion i gontractau, a argymhellir gan Arlingclose, yn parhau i gael eu hadolygu'n gyson.

CYD-DESTUN LLEOL

- 10 Ar 31 Mawrth 2023, roedd gan yr Awdurdod fenthyciadau net o £13.26m yn deillio o wariant cyfalaf hanesyddol.
- 11 Mae'r angen sylfaenol i fenthycia at ddibenion cyfalaf yn cael ei fesur gan y Gofyniad Ariannu Cyfalaf (CFR), tra mai adnoddau mantolen yw'r adnoddau sylfaenol sydd ar gael i'w buddsoddi. Crynhoir y ffactorau hyn yn Nhabl 1 isod.

Tabl 1: Crynodeb o'r Fantolen

	31.03.23 Gwirioneddol £m	30.09.23 Gwirioneddol £m
CFR y Gronfa Gyffredinol	28.88	32.42
Benthycia allanol	-26.65	-22.20
Benthycia mewnol	0.00	-9.22
Llai: Adnoddau mantolen	-6.40	-9.94
Llai: Buddsoddiadau	4.17	8.94
Benthycia newydd	0.00	0.00

- 12 Mae Tabl 1 yn cadarnhau yr oedd benthyciadau net yr Awdurdod yn is na'r Gofyniad Ariannu Cyfalaf (CFR).
- 13 Dangosir y sefyllfa rheolaeth trysorlys ar 30 Medi a'r newid dros y chwe mis yn Nhabl 2 isod.

Tabl 2: Crynodeb Rheolaeth Trysorlys

	31.3.23 Balans £m	Symudiad £m	30.9.23 Balans £m	30.9.23 Cyfradd %
Benthyca tymor hir (PWLB)	17.79	-0.66	17.13	1.00 - 4.90
Benthyca tymor byr	8.86	-3.79	5.07	1.30 - 3.91
Cyfanswm benthyciadau	26.65	-4.45	22.20	
Buddsoddiadau tymor byr	0.00	-2.00	-2.00	5.20
Arian parod a'r hyn sy'n cyfateb i arian parod	-4.17	-2.77	-6.94	4.65 - 5.14
Cyfanswm y buddsoddiadau	-4.17	-4.77	-8.94	
Benthyca net	22.48	-9.22	13.26	

BENTHYCA

- 14 Mae Cod Darbodus 2021 CIPFA yn amlinellu na ddylai awdurdodau lleol fenthyca i fuddsoddi â'r prif amcan o fod yn elw ariannol. Nid yw'n ddoeth i awdurdodau lleol wneud unrhyw benderfyniad buddsoddi neu wariant a fydd yn cynyddu'r gofyniad ariannu cyfalaf sy'n gofyn am fenthyciadau newydd, oni bai ei fod yn ymwneud yn uniongyrchol ac yn bennaf â swyddogaethau'r Awdurdod.
- 15 Nid yw'r Awdurdod wedi buddsoddi mewn asedau ar gyfer elw ariannol ac mae'r holl wariant yn ymwneud â chyflawni swyddogaethau'r Awdurdod.

STRATEGAETH A GWEITHGAREDD BENTHYCA

- 16 Fel yr amlinellwyd yn strategaeth y trysorlys, prif amcan yr Awdurdod wrth fenthyca bu mabwysiadu strategaeth risg isel gan gydbwysu costau llog isel a chyflawni sicrwydd cost dros y cyfnod y mae angen cyllid ar ei gyfer. Mae'r hyblygrwydd i ail-negodi benthyciadau pe bai cynlluniau tymor hir yr Awdurdod yn newid yn amcan eilaidd. Mae strategaeth fenthyca'r Awdurdod yn parhau i fynd i'r afael â'r mater allweddol o fforddiadwyedd heb gyfaddawdu ar sefydlogrwydd tymor hwy y portffolio dyledion.
- 17 Bu cynnydd sylweddol yng nghostau'r benthyciadau tymor byr a thymor hir dros y 18 mis diwethaf. Cododd y Gyfradd Banc 1% o 4.25% ar ddechrau mis Ebrill i 5.25% ar ddiwedd mis Medi. Roedd y Gyfradd Banc 2% yn uwch nag yr oedd ddiwedd mis Medi 2022.
- 18 Parhaodd cyfraddau benthyca'r Bwrdd Benthyciadau Gwaith Cyhoeddus (PWLB) i godi dros y chwarter. Ar 30 Medi, roedd cyfraddau sicrwydd y PWLB ar gyfer benthyciadau aeddfedrwydd yn 5.26% ar gyfer benthyciadau 10 mlynedd, 5.64% ar gyfer benthyciadau 20 mlynedd ac yn 5.43% ar gyfer benthyciadau 50 mlynedd. Eu cyfwerth ar 31 Mawrth 2023 oedd 4.33%, 4.70% a 4.41% yn y drefn honno.
- 19 Ar 30 Medi roedd gan yr Awdurdod £22.20 miliwn mewn benthyciadau, gostyngiad o £4.45m ar 31 Mawrth 2023, fel rhan o'i strategaeth ar gyfer ariannu rhaglenni cyfalaf y flwyddyn flaenorol a'r flwyddyn gyfredol. Crynhoir y benthyciadau oedd yn weddill ar 30 Medi yn Nhabl 3A isod.

Tabl 3A: Sefyllfa Fenthyca

	31.3.23 Balans £m	Symudiad Net £m	30.9.23 Balans £m	30.9.23 Cyfradd Gyfartalog Bwysoledig %	30.9.23 Aeddfedrwydd Cyfartalog Pwysoledig (blynyddoedd)
Bwrdd Benthyciadau Gwaith Cyhoeddus Awdurdodau Lleol (tymor byr)	20.65 6.00	-1.45 -3.00	19.20 3.00	2.46 3.91	4.54 1.00
Cyfanswm benthyciadau	26.65	-4.45	22.20		

- 20 Mae cost benthyca tymor byr yr Awdurdod wedi parhau i gynyddu gyda'r cynnydd yn y Gyfradd Banc a chyfraddau marchnad cyfnod byr. Y gyfradd gyfartalog ar fenthyciadau tymor byr yr Awdurdod ar 30 Medi 2023 ar £3.00 miliwn oedd 4.35%, o gymharu ag 1.3% ar fenthyciadau o £6.00 miliwn 12 mis yn ôl.

Tabl 3B: Benthyciadau cyfnod hir

	Swm £m	Cyfradd %	Cyfnod sy'n Weddill (Blynyddoedd)
Benthyciad Aeddfedrwydd PWLB	2.00	4.80	29
Benthyciad EIP PWLB	0.68	3.09	14
Benthyciad EIP PWLB	4.86	3.91	17
Benthyciadau dros 5 mlynedd	7.54		

- 21 Nid yw penderfyniadau benthyca'r Awdurdod yn seiliedig ar unrhyw un canlyniad ar gyfer cyfraddau llog a chynhaliwyd portffolio cytbwys o fenthyciadau tymor byr a thymor hir.
- 22 Yn ystod y cyfnod 1 Ebrill – 30 Medi 2023, ad-dalwyd benthyciad marchnad tymor byr o £3 miliwn. Disodlwyd hwn gan fenthyciad PWLB tymor hir, a gymerwyd yn 2022/23. Ymgwymerwyd â hyn yn dilyn cyngor gan ein hymgynghorwyr rheolaeth trysorlys a phan oedd cyfraddau llog yn ffafriol.

GWEITHGARWCH BUDDSODDI'R TRYSORLYS

- 23 Cyhoeddodd CIPFA God Ymarfer Gwasanaethau Cyhoeddus a Nodiadau Canllaw Traws-Sectoraidd ar Reolaeth Trysorlys diwygiedig ar 20 Rhagfyr 2021. Mae'r rhain yn diffinio buddsoddiadau rheoli trysorlys fel buddsoddiadau sy'n deillio o lifoedd arian y sefydliad neu weithgarwch rheoli risg trysorlys sydd yn y pen draw yn cynrychioli balansau y mae angen eu buddsoddi nes bod angen yr arian ar gyfer ei ddefnyddio yn ystod y gwaith.

- 24 Mae'r Awdurdod yn dal cronfeydd sydd wedi'u buddsoddi, sy'n cynrychioli incwm a dderbyniwyd o flaen gwariant, ynghyd â balansau a chronfeydd wrth gefn a ddelir. Yn ystod y flwyddyn, roedd balansau buddsoddi'r Awdurdod yn amrywio rhwng £4.17 miliwn a £10.18 miliwn oherwydd gwahaniaethau amseru rhwng incwm a gwariant. Mae'r rhan fwyaf o'r balans yn gysylltiedig â'r incwm a dderbyniwyd mewn perthynas â Chronfa Bensiwn y Diffoddwyr Tân, a fydd yn cael ei wario drwy gydol y flwyddyn. Dangosir y sefyllfa fuddsoddi yn nhabl 4 isod.

Tabl 4: Sefyllfa Buddsoddi'r Trysorlys

	31.3.23		30.9.23	30.9.23	30.9.23
	Balans	Symudiad Net	Balans	Enillion Incwm	Aeddfedwydd Cyfartalog Pwysoledig dyddiau
	£m	£m	£m	%	
Banciau a chymdeithasau adeiladu	4.17	2.77	6.94	4.65 - 5.14	ar alwad
DMADF	0.00	2.00	2.00	5.20	54
Cyfanswm y buddsoddiadau	4.17	4.77	8.94		

- 25 Mae Cod CIPFA a chanllawiau'r llywodraeth yn ei gwneud yn ofynnol i'r Awdurdod fuddsoddi ei gyllid yn ddoeth, a rhoi sylw i ddiogelwch a hylifedd ei fuddsoddiadau trysorlys cyn ceisio'r gyfradd enillion orau bosibl, neu incwm. Amcan yr Awdurdod wrth fuddsoddi arian yw taro cydbwysedd priodol rhwng risg ac adenillion, gan leihau'r risg o golledion oherwydd diffyg talu a'r risg o dderbyn incwm buddsoddi anaddas o isel.
- 26 Fel y dangosir gan feincnod atebolrwydd yr adroddiad hwn, mae'r Awdurdod yn disgwyl bod yn fenthyciwr tymor hir ac felly gwneir buddsoddiadau trysorlys newydd yn bennaf i reoli llif arian o ddydd i ddydd gan ddefnyddio offerynnau risg isel tymor byr.
- 27 Cynyddodd y Gyfradd Banc 1%, o 4.25% ar ddechrau mis Ebrill i 5.25% erbyn diwedd mis Medi. Cododd cyfraddau arian parod cyfnod byr mewn modd cymesur, gyda chyfraddau 3 mis yn codi i tua 5.25% a chyfraddau 12 mis i bron i 6%. Cododd cyfraddau ar adneuo Cyfleuster Adneuo Cyfrif Rheoli Dyled (DMADF) hefyd, yn amrywio rhwng 5.17% a 5.29% erbyn diwedd mis Medi a Chyfraddau'r Farchnad Arian rhwng 4.65% a 5.14%.

CYDYMFFURFIAETH

- 28 Mae'r Trysorydd yn adrodd bod yr holl weithgareddau rheoli trysorlys a gyflawnwyd yn ystod y chwarter yn cydymffurfio â'r egwyddorion yn y Cod Rheoli Trysorlys a'r Strategaeth Rheoli Trysorlys a gymeradwywyd gan yr Awdurdod.
- 29 Yn ystod Chwarter 2, mae'r Gwasanaeth wedi agor Cyfrif Swyddfa Rheoli Dyledion, gan fod y Strategaeth Rheoli Trysorlys yn caniatáu rhoi arian diderfyn gyda'r Swyddfa Rheoli Dyledion.

30 Dangosir cydymffurfiaeth â therfynau buddsoddi penodol yn nhabl 5 isod.

Tabl 5: Terfynau Buddsoddi

Sefydliad	Disgrifiad	Terfyn	30.09.23 Gwirioneddol	Cydymffurfiwyd? Do/Naddo
Banciau	Holl fanciau'r DU a'u his-gwmnïau sydd â sgôr da (Fitch neu gyfwerth). Ar hyn o bryd, diffinnir hyn fel (BBB) tymor hir.	£5m fesul banc	£6.94m	do
Llywodraeth Ganolog	Swyddfa Rheoli Dyledion	Diderfyn	£2.0m	do
Cronfeydd y Farchnad Arian	Dim ond ar y cyd â chyngor gan Arlingclose	£1m fesul cronfa	0	do
Awdurdodau Lleol	Pob un ac eithrio'r rhai sy'n ddarostyngedig i gyfyngiad treth gyngor a praeseptau o dan Ran 1 o Ddeddf Cyllid Llywodraeth Leol 1992	£2m	0	do
Cymdeithasau Adeiladu	Cymdeithasau adeiladu sydd â sgôr (fel ar gyfer y sector bancio)	£2m	0	do
Cymdeithasau Adeiladu (Asedau o £1bn)	Cymdeithasau adeiladu heb sgôr ond gydag asedau o £1 biliwn neu fwy	£2m/9 mis	0	do

31 Dangosir cydymffurfiaeth â'r Terfyn Awdurdodedig a'r Ffin Weithredol ar gyfer dyled allanol yn nhabl 6 isod.

Tabl 6: Dyled a'r Terfyn Awdurdodedig a'r Ffin Weithredol

	30.9.23 Gwirioneddol £m	Ffin Weithredol 2023/24 £m	Terfyn Awdurdodedig 2023/24 £m	Cydymffurfiwyd?
Benthyca	22.20	28.99	30.99	Do
Cyfanswm dyled	22.20	28.99	30.99	

32 Gan fod y ffin weithredol yn offeryn rheoli ar gyfer monitro yn ystod y flwyddyn, efallai y bydd adegau pan fydd y benthyca gwirioneddol yn uwch na'r targed hwn. Gall hyn fod oherwydd amrywiadau mewn llif arian ac ni fyddai toriadau tymor byr yn cyfrif fel methiant i gydymffurfio.

DANGOSYDDION RHEOLI TRYSORLYS


33 Fel sy'n ofynnol gan God Rheoli Trysorlys CIPFA 2021, mae'r Awdurdod yn monitro ac yn mesur y dangosyddion darbodus canlynol ar gyfer rheoli trysorlys.

Meincnod Atebolrwydd

- 34 Mae'r dangosydd newydd hwn yn cymharu gwir fenthyciadau presennol yr Awdurdod yn erbyn meincnod atebolrwydd sydd wedi'i gyfrifo i ddangos y lefel risg isaf o fenthycia. Mae'r meincnod atebolrwydd yn offeryn pwysig i helpu i gadarnhau a yw'r Awdurdod yn debygol o fod yn fenthyciwr tymor hir neu'n fuddsoddwr tymor hir yn y dyfodol, ac felly yn llywio ei ffocws strategol a'i benderfyniadau.
- 35 Mae'n cynrychioli amcangyfrif o swm cronol y benthycia allanol y mae'n rhaid i'r Awdurdod ei ddal i ariannu ei gynlluniau cyfalaf a referniw cyfredol tra'n cadw buddsoddiadau'r trysorlys ar yr isafswm o £2.0 miliwn sydd ei angen i reoli llif arian o ddydd i ddydd.

	31.3.23 Gwirioneddol £m	31.3.24 Rhagolwg £m	31.3.25 Rhagolwg £m	31.3.26 Rhagolwg £m
Benthyciadau CFR	28.88	32.42	34.50	37.70
Llai: Adnoddau mantolen	-6.40	-5.00	-4.50	-4.00
Gofyniad benthyciadau net	22.48	27.42	30.00	33.70
Plws: Lwfans hylifedd	2.00	2.00	2.00	2.00
Meincnod atebolrwydd	24.48	29.42	32.00	35.70
Benthycia presennol	-26.65	-17.80	-14.10	-10.50

- 36 Nid yw'r rhagolwg uchod yn cynnwys unrhyw gostau ar gyfer y ganolfan hyfforddi arfaethedig, gan nad yw'r Awdurdod wedi cytuno arno eto.
- 37 Mae'r meincnod atebolrwydd yn fesur hirdymor o'r angen sylfaenol i fenthycia at bob diben dros y tymor hir ac mae'n seiliedig ar y rhaglen gyfalaf bresennol a symudiadau llif arian rhagolygol eraill. Mae'n offeryn i gymharu'r portffolio benthyciadau presennol yn erbyn yr angen presennol i fenthycia a'r angen a gynlluniwyd, o ran lefel a chyfnod y benthycia. Mae'n nodi a yw benthycia tymor hir yn fwy priodol.
- 38 Yn dilyn ymlaen o'r rhagolwg tymor canolig uchod, mae'r meincnod atebolrwydd tymor hir yn rhagdybio gwariant cyfalaf a ariennir drwy fenthycia o £4m-£6m rhwng 2023/24 a 2025/26, isafswm darpariaeth referniw ar wariant cyfalaf newydd yn seiliedig ar oes yr asedau presennol, yn unol â'r polisi cyfrifyddu, incwm a gwariant yn cynyddu gan chwyddiant o 2.5% y flwyddyn a gostyngiad yn y cronfeydd wrth gefn. Dangosir hyn yn y siart isod ynghyd â phroffil aeddfedrwydd benthyciadau presennol yr Awdurdod.



- 39 Mae'r graff yn dangos bod yr Awdurdod yn disgwyl y bydd angen benthyca yn y blynyddoedd i ddod. Bydd gofyniad benthyca gan yr Awdurdod bob amser gan nad oes ganddo arian sylweddol na chronfeydd wrth gefn a dim ond mynediad cyfyngedig sydd ganddo i arian grant cyfalaf.
- 40 Mae'r llinell las yn cynrychioli'r angen i ariannu gwariant cyfalaf trwy fenthyca (y Gofyniad Ariannu Cyfalaf neu CFR). Mae'r llinellau coch yn cynrychioli'r angen i ariannu gwariant cyfalaf trwy fenthyca unwaith y bydd cronfeydd wrth gefn a gwarged (neu ddiffygion) cyfalaf gweithio wedi'u hystyried – dyma'r gwir angen i fenthyca y mae CIPFA wedi'i ddiffinio fel y Meincnod Atebolrwydd. Mae'r llinell doredig goch yn cynrychioli'r sefyllfa ar ddiwedd y flwyddyn ac mae'r llinell solet yn cynrychioli'r sefyllfa ganol blwyddyn ar gyfartaledd. Mae'r ardaloedd lliw llwyd yn dangos benthyciadau gwirioneddol. Pan fydd yr ardal lwyd yn disgyn o dan y llinellau coch mae hyn yn golygu bod angen benthyca.

Strwythur Aeddfedrwydd Benthyca

- 41 Mae'r dangosydd hwn wedi'i osod i reoli pa mor agored yw'r Awdurdod i risg ail-ariannu. Y terfynau uchaf ac isaf ar strwythur aeddfedrwydd yr holl fenthyca oedd:

	30.9.23 Gwirioneddol	Gwirioneddol	Terfyn Uchaf	Terfyn Isaf	Cydymffurfiwyd D/N
O dan 12 mis	3.78	17.03%	60.00%	0.00%	D
12 mis ac o fewn 24 mis	2.48	11.17%	45.00%	0.00%	D
24 mis ac o fewn 5 mlynedd	8.40	37.84%	45.00%	0.00%	D
5 mlynedd ac o fewn 10 mlynedd	0.68	3.06%	75.00%	0.00%	D
10 mlynedd ac uwch	6.86	30.90%	100.00%	0.00%	D

- 42 Mae'r cyfnodau amser yn dechrau ar ddiwrnod cyntaf pob blwyddyn ariannol. Y dyddiad aeddfedu ar gyfer benthycu yw'r dyddiad cynharaf y gall y benthyciwr fynnu ad-daliad.

Buddsoddiadau Rheoli Trysorlys Tymor Hir

- 43 Nid yw'r Awdurdod yn dal unrhyw fuddsoddiadau trysorlys tymor hir.

GOBLYGIADAU

Amcanion Llesiant	Mae'r adroddiad hwn yn cysylltu ag amcanion llesiant tymor hir yr Awdurdod gan sicrhau bod prynu asedau i gefnogi'r gwaith o ddarparu gwasanaethau rheng flaen yn cael ei wneud mewn modd darbodus, fforddiadwy a chynaliadwy. Mae trefniadau rheoli trysorlys effeithiol yn sicrhau bod digon o fuddsoddiad mewn seilwaith i alluogi'r gwasanaeth i ddarparu ymatebion brys a gwaith atal ymhell i'r dyfodol.
Cyllideb	Pennir y gyllideb yn flynyddol ar gyfer ariannu cyfalaf yn unol ag adroddiad y Trysorlys.
Cyfreithiol	Mae'r fframwaith rheoleiddio wedi'i nodi ym mharagraff 1.
Staffio	Dim
Cydraddoldeb/Hawliau Dynol/y Gymraeg	Dim
Risgiau	Buddsoddi arian dros ben – mae perygl y gallai'r sefydliad ariannol lle buddsoddir arian Gwasanaeth Tân ac Achub Gogledd Cymru (y Gwasanaeth) fethu, gan arwain at golli rhan o'r prifswm a fuddsoddwyd. Fodd bynnag, un o ddibenion yr adroddiad yw lliniaru'r risg hon.